



Pou Piblikasyon Imedya: 06/01/2023

GOUVÈNÈ KATHY HOCHUL

**GOUVÈNÈ HOCHUL, MAJISTRA ADAMS, NYCHA FÈ EFO POU RANPLASE  
ASANSÈ NAN DEVLOPMAN K AP SÈVI PRESÈ 34,000 REZIDAN**

*Yo pral ranplase 335 asansè nan kad travay modènizasyon a gran echèl ki pral amelyore sèvis asansè nan 20 devlopman*

*Akò finansman 300 milyon dola ant NYCHA ak DASNY pral fè reparasyon ki nesesè anpil pou devlopman nan tout senk minisipalite yo*

Gouvènè Kathy Hochul, Majistra Vil New York la Eric Adams, ak Direktè Egzekitif Jeneral pwovizwa Otorite Lojman Vil New York (New York City Housing Authority) la, Lisa Bova-Hiatt, te anonse jodi a ke planifikasyon Faz I pou travay kapital enpòtan yo te kòmanse ranplase 335 asansè nan 20 devlopman NYCHA, nan kad yon 300 milyon dola akò finansman ak Otorite Dòtwa Eta New York la (Dormitory Authority of the State of New York, DASNY) ki te siyen an avril 2022. Finansman an te rann posib gras ak kolaborasyon sere ant NYCHA, Lejislati Eta New York la, ak Gouvènè Hochul — ke yo tout te travay ansam pou devlope yon kad pou modènize enfrastrikti asansè NYCHA a, jan sa endike nan akò Depatman Lojman ak Devlopman Iben (Housing and Urban Development, HUD) Etazini an 2019 la.

"Avèk etap enpòtan sa a, NYCHA sou pwen pou kòmanse gwo amelyorasyon nan biling yo, pou pwofite 300 milyon dola nan envestisman eta a pou amelyore kay ak lavi plizyè milye Nouyòkè", **Gouvènè Hochul te deklare.** "Kounye a, pandan eta nou an ap fè fas ak yon gwo mank lojman ki an sekirite, ki estab, ak aksesib, administrasyon mwen an pran angajman pou prezèv stock lojman nou an — se poutèt sa mwen te siyen lwa pou kreye New York City Public Housing Preservation Trust ane pase a. Mwen fyè pou m kreye patenarya ak NYCHA, rezidan li yo, ak ofisyèl lokal yo ak eta yo, epi mwen pa ka tann plis opòtinite menm pou devlope epi sipòte kominate NYCHA yo."

"Chak jou, rezidan NYCHA yo fè eksperyans konsekans plizyè dizèn deseni nan dezenvestisman ak plizyè dizèn milya dola nan bezwen kapital yo. Bay yo kalite lavi ke chak Nouyòkè merite egzije kreyativite ak patenarya — ak akò sa a reprezante tou de", **Majistra Adams, te deklare.** "Avèk Fidisi Prezèvazyon Lojman Piblik (Public Housing Preservation Trust), pwogram PACT la, ak pwogram tankou sa a, n ap bay rezidan yo yon vrè meni opsyon pou jwenn reparasyon yo bezwen lakay yo nan fason yo prefere. Mwen vle remèsyé tout patnè nou yo nan Albany pou envestisman yo nan NYCHA, epi

mwen pa ka tann pou mwen fè travay sa a pou ede 34,000 Nouyòkè evite asansè ki kraze ki danjere yo".

"Pote reparasyon enpòtan nan NYCHA mande yon efò kolaboratif, epi nou rekonesan anpil pou patenary Eta a pou 300 milyon dola nan finansman kapital sa a. Byento, 34,000 Nouyòkè pral jwenn soulajman ke tout moun ta dwe jwi ak asansè ki fyab ak an sekirite", **direktè Lojman an, Jessica Katz, te deklare**, "Nou espere kontinye travay ak eta a ak tout lòt patnè gouvènman yo pou pote bay rezidan NYCHA yo kalite lavi yo merite."

"Fon yo bay atravè akò sa a pral pèmèt nou adrese yon eleman fizik kle nan enfrastrikti biling nou an: sèvis asansè rezidan nou yo bezwen epi depann sou li a", **Direktè Egzekitif Jeneral Pwovizwa Otorite Lojman Vil New York Ia, Bova-Hiatt, te deklare**. "Nou rekonesan anpil pou sipò ak defans Gouvènè Hochul, lidè Sena ak Asanble Eta New York Ia, ak DASNY pou egzekite akò finansman sa a epi pou distribye fliks vital finansman kapital sa yo nan yon moman enpòtan nan lavi Otorite a."

"DASNY fyè pou I jwe yon wòl nan sipòte amelyorasyon fondamantal ak esansyèl sa a nan enfrastrikti Otorite a", **Prezidan ak Direktè Egzekitif Jeneral Otorite Dòtwa Eta New York Ia, Reuben McDaniel III, te deklare**, "Nou rekonesan anvè Gouvènè Hochul pou lidèchip li ak sipò Lejislati a nan abòde bezwen sa yo. Nou pa ka tann pou NYCHA deplase pòtfèy sa a rapidman pou benefis rezidan NYCHA yo."

Prèske 34,000 rezidan k ap viv nan prèske 16,000 apatman pral benefisyé de sèvis asansè amelyore nan 20 devlopman yo, ki gen ladan sis kanpis ke yo deziyen pou granmoun aje yo. Sèvis asansè konsistan patikilyèman enpòtan pou granmoun aje ak rezidan ki gen pwoblèm mobilite yo; NYCHA gen plis pase 78,000 rezidan ki gen plis pase 62 zan, epi prèske 40 poustan nan fwaye NYCHA yo gen yon rezidan ki gen plis pase 62 zan ki dirije li. Asansè NYCHA yo sèvi tou plis pase 31,000 rezidan ki gen pwoblèm mobilite.

Estòk asansè NYCHA yo ansyen, ak asansè traksyon ki pi long nan pòtfèy la ki enstale 32 ane de sa an 1990. Tout asansè yo idantifye nan Plan Revitalizasyon Kapital Eta a nan oswa odela dire lavi itil tipik 15 a 20 ane pou yon pwopriyete rezidansyèl ki geen plizyè fanmi.

Lejislati Eta New York Ia te atribye 300 milyon dola bay NYCHA nan bidjè eta pou 2020 ak 2021 pou amelyore pi ansyen asansè nan pòtfèy Otorite a. NYCHA te premye prezante Plan Revitalizasyon Kapital Eta a nan mwa septanm 2021 pou dekri apwòch li pou atenn objektif sa a, epi DASNY te apwouve li nan akò finansman ki pi resan an.

Finansman an te pèmèt pwosesis planifikasyon pou ranplasman asansè kòmanse nan kòmansman mwa avril. Delè pou travay ranplasman asansè atravè 20 diferan sit yo prevwa varye ant 49 mwa (Cassidy-Lafayette Houses) ak 81 mwa (Marcy Houses), tou depann de kantite asansè ke yo bezwen ranplase ak laj devlopman ki enpòtan yo. Tout travay konstriksyon asansè yo pwograme pou fini nan kòmansman mwa desanm 2028.

Yon lis konplè developman ki pral resevwa amelyorasyon asansè yo disponib [isit la](#).

Efò sa a bati sou devouman Gouvènè Hochul pou bay rezidan lojman publik New York yo yon kay ki an sekirite epi ki estab. Depi 2016, Eta New York te bay NYCHA plis pase 1.2 milya dola, epi yo te atriye 350 milyon dola nan ane fiskal 2023. Yo te itilize envestisman enpòtan sa yo nan direksyon chofaj, sekirite, asansè, ak lòt amelyorasyon, ansanm ak amelyorasyon kalite lavi.

Nan mwa jen ann, Gouvènè Hochul [siyen lejislasyon](#) ki kreye Fidisi Prezèvason Lojman Publik Vil New York, yon kòporasyon benefis publik, pou ede finanse reparasyon, reyabilitasyon, ak modènizasyon 25,000 apatman ki anba kontwòl NYCHA. Fidisi a garanti tou kay yo rete nan pri abòdab nan prezèvè dwa ki garanti rezidan yo peye sèlman 30 pouzan revni yo pou lwave, rezidan yo kenbe tout dwa siksesyon aktyèl yo, apatman yo pral kontinye rezève pou rezidan ki gen revni ba yo, epi apatman ki vid yo ap kontinye okipe apati lis datant NYCHA la.

**Reprezantan Nicole Malliotakis, te deklare,** "Nan Kongrè a, mwen te travay ak lidèchip NYCHA ak HUD pou amelyore kalite lavi lokatè yo epi mwen kontan wè Majistra a ak Gouvènè a bay pwoblèm sa a atansyon tou ak reparasyon enpòtan nan sèvis asansè yo. Nou dwe kontinye travay nan tout nivo gouvènman an pou asire ke tout rezidan yo ka viv nan yon lojman ki an sekirite, ki diy epi mwen espere kontinye travay ak patnè vil mwen yo ak eta a pou rann NYCHA responsab epi defann lokatè yo alavni."

**Reprezantan Ritchie Torres, te deklare,** "Kòm yon moun ki te grandi nan lojman publik ak fanmi tankou pwòp manman m ki toujou ap viv la, mwen konprann ki jan li enpòtan pou gen asansè ki an sekirite, fyab, ak fonksyone kòm yon mwayen pou sikile nan lavi chak jou. Sa a pral yon amelyorasyon siyifikatif pou plizyè dizèn milye Nouyòkè parèy mwen yo, ki gen ladan moun ki pi vilnerab pami nou tankou granmoun aje yo ak moun ki gen pwoblèm mobilite."

**Reprezantan Dan Goldman, te deklare,** "Nou gen yon obligasyon pou asire lokatè NYCHA yo ap viv ak diyite ak respè yo merite. Mwen felisite Gouvènè Hochul ak Majistra Adams paske yo te pran mezi ki nesesè anpil sou kondisyon ki pa akseptab ke twòp rezidan lojman publik nan vil nou an te oblige andire. Sèvi rezidan lojman publik nou yo se pi gwo priorite mwen nan nivo federal, e mwen espere kontinye travay sere ak Vil la ak Eta a pou bay rezulta pou lokatè NYCHA yo ki twò souvan neglige epi ke yo kite dèyè."

**Prezidan Asamble a Carl Heastie te deklare,** "Nan Majorite Asamble a nou te travay pou asire Nouyòkè yo ka jwenn bon jan kalite lojman abòdab ki aksesib. Ranplase asansè nan 20 devlopman sa yo pral ede amelyore kalite lavi rezidan NYCHA sa yo. NYCHA se lakay plizyè milye Nouyòkè, anpil ladan yo ap vyeyi, epi yo konte sou asansè pou fè manèv chak jou. Envestisman nesesè sa yo pral ede modènize devlopman NYCHA atravè gwo vil nou an."

**Senatè Eta a, Brian Kavanagh, Prezidan Komite Lojman Sena a, te deklare,** "Mwen remèsyè Otorite Lojman Vil New York la ak Otorite Dòtwa Eta a paske yo te avanse pou fè envèstisman kapital esansyèl sa yo pou ranplase 335 asansè demode eoi ki pa fyab ak finansman kapital Eta nou te bay la. Mwen pa ka twòp egzajere sou enpòtan pou gen asansè ki fyab, k ap fonksyone nan biling sa yo, espesyalman nan sa yo ki gen anpil rezidan ki granmoun aje oswa ki gen pwoblèm mobilite. Fon sa yo fè pati 1.1 milya dola nan kapital nou te asiyen pou NYCHA nan dènye ane yo. Mwen te defann yon kantite lajan ki pi gwo epi mwen pral kontinye fè sa nan pwosesis bidjè Eta k ap vini an, men mwen kontan wè alokasyon sa a ap sèvi byen, pou amelyorasyon ki pral lakòz kondisyon lavi ki pi an sekirite ak pi dezirab pou prèske 34,000 rezidan NYCHA yo."

**Senatè Eta Roxanne Persaud te deklare,** "Mwen fyè dèské mwen te goumen pou 300 milyon dola nan finansman kapital Eta a ki pral sipòte amelyorasyon enpòtan nan asansè nan pwopriyete NYCHA yo atravè Vil New York. Nan 335 asansè y ap ranplase yo, 72 pral nan twa pwopriyete ki nan Distri Sena 19 la kounye a; 32 asansè nan Nostrand Houses, 36 nan Sheepshead Bay ak kat nan Woodson Houses. Mwen bat bravo pou NYCHA ak DASNY paske yo te jwenn yon akò sou pwojè enpòtan sa a epi mwen kontan ke amelyorasyon yo ap fèt."

**Senatè Eta John Liu te deklare,** "Se yon bon nouvèl ke kominate Leavitt Street NYCHA a pral finalman kòmanse wè kèk mezi soulajman pou asansè ki nan move kondisyon yo. Asansè k ap fonksyone yo se yon nesesite pou lojman Vil New York, espesyalman pou granmoun aje nou yo ak moun ki andikape yo. Byenke yo y ap tann yo depi lontan, reparasyon sa yo se yon premye etap ki apwopriye pou korije anpil ane kondisyon lavi enferyè yoa."

**Senatè Eta, Jamaal Bailey, te deklare,** "Pandan plizyè dizèn ane, rezidan NYCHA yo ap lite ak sèvis asansè ki pa fyab, pwoblèm chalè ak dlo, reparasyon retade, ak enfrastrikti ki kraze. Enfizyon finansman eta ak lokal sa a se yon etap nan bon direksyon an pou bay yon sekou enpòtan pou rezidan yo, sitou granmoun aje yo, moun ki andikape yo, ak rezidan ki gen yon mobilite limite. Amelyorasyon ak reparasyon enfrastrikti enpòtan sa yo pral adrese bezwen imeda sante ak sekirite kominate NYCHA nou yo epi asire rezidan yo finalman gen kondisyon lavi ki an sekirite, aksesib ak diyite yo merite. Mwen vle remèsyè lidè lokatè NYCHA yo atravè Vil New York, patikilyèman Prezidan Asosyasyon Lokatè Gun Hill la, Robert Hall, pou travay yo ak defans kontinyèl yo. Mèsi Gouvènè Kathy Hochul, Majistra Eric Adams, Prezidan NYCHA Greg Russ, I want to thank NYCHA tenant leaders across New York City, particularly Gun Hill Tenant Association President Robert Hall for their work and continued advocacy Pwovizwa NYCHA Lisa Bova-Hiatt, ak kòlèg mwen yo nan lejislati a pou priyorite finansman sa a nan bidjè Eta a pou envesti ak revitalize lojman publik atravè vil la."

**Deklarasyon Senatè Eta a Zellnor Myrie.** "Asansè yo se enfrastrikti enpòtan: pou granmoun aje, rezidan ki gen bezwen mobilite, fanmi ki gen pousèt, ak moun ki tou senpleman vini lakay yo apre yon jounen travay long. Yo se yon mwayen sovtaj nan Vil

vètikal nou an, men twò souvan rezidan NYCHA yo oblige fè fas ak pann asansè souvan, ki dire lontan. E pafwa le pli vit ke yo repare yo, yo kraze ankò. Mwen fyè dèské m te bay finansman pou amelyorasyon sa yo nan bidjè Eta a epi mwen rekonesan anvè NYCHA ak DASNY paske yo te fè envestisman enpòtan sa a. Mwen espere asire ke amelyorasyon sa yo lakòz yon pi bon kalite lavi pou elektè mwen yo."

**Senatè Eta Julia Salazar te deklare**, "Vwazen nou yo nan Marcy Houses merite bon jan kalite, kondisyon lavi ki an sekrite ak aksesibilité konplè. Envestisman solid sa a nan pote nouvo asansè nan Marcy demonstre yon angajman anvè rezidan devlopman yo, espesyalman granmoun aje ak rezidan ki bezwen asansè totalman fonksyonèl ak fyab nan biling yo."

**Senatè Eta a, Cordell Cleare, te deklare**, "Mwen kontan dèské lajan nou te goumen anpil pou nou distribye bay NYCHA nan Bidjè Eta a finalman ap sikile nan pwojè ki byen merite tankou Amelyorasyon Asansè (Elevator Upgrades) nan Taft Houses. Mwen ankouraje Otorite a pou maksimize chak santim nan envesti nan inisyativ ki nesesè anpil ke rezidan yo bezwen ak merite atravè 30èm Distri Senatoryal la. Anfan, mwen espere egzanp sa a pral enspire sipò Eta ki kontinye ap repeète pou NYCHA nan Bidjè 2023-24 k ap vini an."

**Manm Asanble ak Prezidan Komite Vwa ak Mwayen Asanble Eta a, Helene**

**Weinstein te di**, "Amelyorasyon asansè sa yo, ki te rann posib gras ak finansman Eta ke mwen te ede sekirize, se yon etap akeyi nan bon direksyon an. Pandan twò lontan, moun ki aje yo ak elektè ki gen pwoblèm mobilite k ap viv nan Sheepshead ak Nostrand Apartments NYCHA yo te pratikman kenbe an otaj akòz pann repeète nan yon sistèm asansè demode. Ansam ak kamera sekrite mwen te kapab garanti kèk ane de sa, nou pral kontinye transfòme NYCHA an yon kay ki an sekrite ak aksesib pou fanmi ak andikape yo."

**Manm Asanble Alicia Hyndman, te deklare**, "Avèk akò DASNY an, li pral bay asistans esansyèl pou amelyorasyon asansè ke anpil devlopman bezwen renove pou yon peryòd pwolonje. Mwen te nan asansè yo nan Conlon Lihfe epi yo fè nwa epi yo opere dousman. Kidonk, mwen espere wè amelyorasyon yo pou granmoun aje mwen yo, ke y ap tann depi lontan."

**Manm Asanble Jo Anne Simon te deklare**, "Mwen kontan anpil paske plizyè santèn asansè NYCHA pral ranplase ak lajan nou menm nan lejislati Eta a founi. Mwen patikilyèman kontan paske yo pral enstale asansè ranplasman nan Gowanus Houses ki nesesè anpil. Amelyorasyon sa yo pral pote sekrite ak fyabilite nan sèvis asansè yo epi yo pa ka rive ase vit. Mwen rekonesan anvè kòlèg mwen yo, Asosyasyon Lokatè a, Gouvènè Hochul, DASNY ak NYCHA paske yo travay ansam sou inisyativ enpòtan sa a."

**Manm Asanble Latrice Walker te deklare**, "Mwen te grandi nan yon pwopriyete NYCHA nan Brownsville, Brooklyn - yon katye ki gen pi gwo konsantrasyon lojman piblik nan Eta a. Kidonk, mwen konprann ki jan rezidan NYCHA yo bezwen ijans

finansman sa a pou ranplase asansè demode yo. Sa a enpòtan anpil pou granmoun aje yo ak pou rezidan ki pa ka pran eskalye yo paske yo gen pwoblèm mobilite. Akò finansman 300 milyon dola ant NYCHA ak Otorite Dòtwa nan Eta New York se yon envestisman ki byenveni pou rezidan yo nan 20 devlopman kote bezwen an pi gwo."

**Manm Asanble Harvey Epstein te deklare**, "Mwen kontan tande ke Straus Houses pral gen kat asansè ki ranplase ak asistans finansman kapital Eta a. Prèske chak jou ekip mwen an ak mwen tande elektè yo sou pann asansè ak pwoblèm ki fè anpil moun, espesyalman granmoun aje yo, ap tann nan salon yo pou yo ranje asansè yo. NYCHA bezwen lajan pou kapab fè bon jan reparasyon pou amelyorasyon asansè yo, e mwen byen kontan ke devlopman sa a pral resevwa li."

**Manm Asanble Charles Fall, te deklare**, "Mwen kontan wè finansman eta nou te garati pou amelyorasyon an nan inite lojman NYCHA nou yo sou pwem pou aplike. Amelyorasyon sa yo, espesyalman nan asansè yo, se eleman esansyèl pou ogmante estanda kalite lavi pou tout rezidan NYCHA, espesyalman pou lokatè granmoun aje ak andikape nou yo. Mwen pa ka tann pou m kontinye travay avèk kòlèg eta mwen yo, NYCHA ak DASNY sou amelyorasyon adisyonèl ki nesesè pou rezidan NYCHA nou yo nan North Shore nan Staten Island."

**Manm Asanble Stefani Zinerman te dekare**, "Lejislati Eta New York la devwe pou bay tout Nouyòkè lojman ki an sekirite ak bon mache. Envestisman 300 milyon dola nou an pou amelyore asansè yo nan Marcy Houses enpòtan anpil pou lavi rezidan yo, espesyalman pou granmoun nou yo, fanmi ki gen timoun piti ak moun ki andikape yo. Asanble Eta New York la pral kontinye travay ak lejislatè Vil, Eta ak Federal pou siphòte bezwen enfastrichti NYCHA yo."

**Manm Asanble Edward Gibbs, te deklare**, "Antanke Manm Asanble ki reprezante pi gwo konsantrasyon devlopman lojman publik nan peyi a, mwen kontan dèské nou nan Lejislati Eta a montre angajman nou pou amelyore NYCHA. Asansè yo enpòtan anpil pou asire kalite lavi nan devlopman NYCHA nou yo, espesyalman pou moun ki gen pwoblèm mobilite yo. Mwen remèsyé Gouvènè Hochul, NYCHA ak kòlèg mwen yo paske yo fè patenarya pou jwenn finansman sa a."

**Ansyen Senatè Eta, Diane Savino, te deklare**, "Nou kontan anpil sou devlopman ak angajman sa a Eta a ak DASNY pou bay fon kapital ke yo ap tann depi lontan ki nesesè pou konplèks NYCHA nan distri nou an. Reparasyon ak ranplasman asansè yo enpòtan anpil pou amelyore kalite lavi anpil moun ki abite nan lojman publik."

**Ansyen Manm Asanble ak Prezidan Komite Lojman Asanble Eta New York la, Steven Cymbrowitz, te deklare**, "Amelyorasyon asansè sa yo nesesè an ijans epi reprezante yon envestisman enpòtan nan lojman NYCHA ki pral benefisyé rezidan yo pandan plizyè ane k ap vini yo. Mwen te kontan travay ak kòlèg mwen yo pou rann finansman enpòtan sa a disponib pou pwojè sa yo, epi mwen espere kontinye travay ak lidèchip NYCHA pou amelyore byennèt plis pase 400,000 rezidan lojman publik ki rele devlopman NYCHA lakay yo."

**Danny Barber, Prezidan, Konsèy Prezidan nan Tout Vil la, te deklare,** "Mwen kontan tande ke y ap pote ranplasman asansè sa yo ki nesesè anpil nan devlopman NYCHA atravè vil la. Mwen gen konfyans ke, yon fwa yo fini, amelyorasyon sa yo pral pote gwo soulajman pou rezidan lojman publik yo."

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418